



**Broj: 02-50-1-16-27/09  
Sarajevo: 26.3.2009. godine.**

**ZAPISNIK  
27. sjednice Doma naroda  
Parlamentarne skupštine Bosne i Hercegovine,  
održane 26.3.2009.godine**

Sjednica je počela u 11,15 sati.

Sjednicom je predsjedavao, Ilija Filipović predsjedavajući Doma naroda Parlamentarne skupštine BiH.

Sjednici je prisustvovalo 15 delegata.

Osim delegata, na sjednici Doma naroda bili su predstavnici: Vijeća ministara BiH, međunarodnih organizacija i sredstava javnog informiranja.

Nakon rasprave u kojoj su učestvovali: Božo Rajić, Ilija Filipović, Rudo Vidović, Zoran Koprivica, Hilmo Neimarlija i Ivo Miro Jović, Dom naroda usvojio je sljedeći dopunjeni

**D N E V N I R E D**

1. Usvajanje zapisnika 25. i 26. sjednice Doma naroda;
2. Odgovori na delegatska pitanja i delegatska pitanja;
3. Prijedlog amandmana I. na Ustav BiH (drugo čitanje), predlagač: Vijeće ministara BiH;
4. Prijedlog Odluke o pristupanju izmjenama Ustava BiH, predlagač: Kolegij Doma naroda PSBiH;
5. Izvještaj komisije Kolegija o nastojanju za postizanje saglasnosti o Prijedlogu zakona o besplatnoj pravnoj pomoći (Prijedlog zakona je u prvom čitanju);
6. Izvještaj komisije Kolegija o nastojanju za postizanje saglasnosti o imenovanju predsjedavajućeg, zamjenika i članova Nezavisnog odbora i Odbora za žalbe građana, kao nezavisnih tijela policijske strukture BiH (Prijedlog Ad hoc zajedničke komisije za provođenje procedure imenovanja Nezavisnog odbora i Odbora za žalbe građana);
7. Prijedlog zakona o izmjenama i dopunama Zakona o proizvodnji naoružanja i vojne opreme (drugo čitanje), predlagač: Vijeće ministara BiH;
8. Prijedlog zakona o kontroli kretanja oružja i vojne opreme (prvo čitanje), predlagač: Vijeće ministara BiH;
9. Prijedlog zakona o izmjenama i dopunama Zakona o državljanstvu BiH (prvo čitanje), predlagač Vijeće ministara BiH,
10. Izjašnjavanje Doma o Inicijativi delegata Bože Rajića i Rude Vidovića za formiranje radne grupe za uzradu teksta novog ustava BiH;
11. Prijedlog usaglašenih zbirnih i pojedinačnih zaključaka Komisije za finansije i budžet Predstavničkog doma i Komisije za finansije i budžet Doma naroda Parlamentarne skupštine BiH o razmatranim revizorskim izvještajima Ureda za reviziju institucija BiH za 2007. godinu;

12. Izvještaj o Konačnom izvještaju o provođenju mjera iz Akcionog plana Srednjoročne razvojne strategije BiH 2004.-2007. godine (PRSP) i Ekonomski trendovi, Godišnji izvještaj za 2007. godinu Direkcije za ekonomsko planiranje BiH;
13. Izvještaj o realizaciji Akcionog plana za provođenje programa mjera u okviru CEFTA sporazuma, s Analizom vanjskotrgovinske razmjene BiH za 2008. godinu;
14. Izvještaj o napretku Bosne i Hercegovine u 2008. godini kao i Strategija proširenja i ključnih izazova 2008./2009. (materijal Direkcije za evropske integracije BiH);
15. Izvještaj o aktivnostima Stalne delegacije Parlamentarne skupštine BiH pri Parlamentarnoj skupštini Vijeća Evrope u 2008. godini;
16. Prijedlog državne strategije nadzora nad opojnim drogama, sprečavanja i suzbijanja zloupotrebe opojnih droga u Bosni i Hercegovini za period 2009-2013., predlagač: Vijeće ministara BiH;
17. Informacija o krivičnim djelima protiv dostojanstva ličnosti i morala u BiH, s naglaskom na krivična djela krijumčarenja i trgovine ljudima u 2006. i 2007. godini i prvih devet mjeseci 2008. godine;
18. Prijedlog odluke o izmjeni Odluke o izboru članova zajedničkih komisija oba doma Parlamentarne skupštine BiH;
19. Imenovanje dva člana Ureda za razmatranje žalbe iz reda stručnjaka upravnog prava, predlagač: Vijeće ministara BiH;
20. Davanje saglasnosti za ratifikaciju Sporazuma o vojnom grantu između Vijeća ministara BiH i Vlade Republike Turske;
21. Davanje saglasnosti za ratifikaciju Bilateralnog sporazuma u oblasti obrazovanja između Vijeća ministara BiH i Vlade Crne Gore;
22. Davanje saglasnosti za ratifikaciju Sporazuma o preferencijalnoj trgovini između Bosne i Hercegovine i Islamske Republike Iran;
23. Davanje saglasnosti za ratifikaciju Memoranduma o razumjevanju o budućnosti zdravstvene mreže u Jugoistočnoj Evropi u okviru Procesu regionalne saradnje u Jugoistočnoj Evropi;
24. Davanje saglasnosti za ratifikaciju Sporazuma o grantu globalnog fonda za okoliš između Bosne i Hercegovine i Međunarodne banke za obnovu i razvoj, kao Agencije za realizaciju sredstava Globalnog fonda za okoliš - Projekat šumskih i planinskih područja;
25. Davanje saglasnosti za ratifikaciju Sporazuma između Vijeća ministara BiH i Vlade Republike Albanije o međunarodnom drumskom prijevozu putnika i tereta;
26. Davanje saglasnosti za ratifikaciju Deklaracije o dugoročnom programu regionalne saradnje i razvoja mentalnog zdravlja u zemljama Jugoistočne Evrope;
27. Davanje saglasnosti za ratifikaciju Sporazuma o finansiranju između Bosne i Hercegovine i Komisije Evropske zajednice o programu finansiranja učešća Bosne i Hercegovine i ERDF Evropskom programu međunarodne teritorijalne saradnje „Prostor jugoistočne Evrope“ na osnovu instrumenata za pretpristupnu pomoć (IPA), komponenta prekogranične saradnje za 2007. godinu;
28. Davanje saglasnosti za ratifikaciju Sporazuma o privrednoj saradnji između Vijeće ministara BiH i Vlade Republike Slovenije;
29. Davanje saglasnosti za ratifikaciju Ugovora o finansiranju između Bosne i Hercegovine i Evropske banke za Projekat Koridor Vc – prva faza – Sjever.

#### **Ad.1. Usvajanje zapisnika 25. i 26. sjednice Doma naroda**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je usvojio zapisnik 25. i 26. sjednice Doma naroda

## Ad.2. Odgovori na delegatska pitanja i delegatska pitanja

Odgovore na delegatska pitanje dobili su: Hazim Rančić, na dva pitanja postavljena na 24. sjednici, Ivo Miro Jović, na pitanje postavljeno na 25. sjednici, Adem Ibrahimpašić, na dva pitanja postavljena na 24. sjednici, i Dušanka Majkić, na pitanje postavljeno na 24. sjednici.

Delegat Hazim Rančić izjasnio se da nije zadovoljan dobivenim odgovorima.

Delegat Ivo Miro Jović izjasnio se da nije zadovoljan dobivenim odgovorom i ponovio je drugi dio pitanja na koji nije dobio odgovor.

Adem Ibrahimpašić izjasnio se da je zadovoljan dobivenim odgovorom na pitanje postojanja gotovih zakonskih projekata 'u ladicama' predsjedavajućeg Vijeća ministara BiH, ali ne i odgovorom na pitanje koji je uputio Ministarstvu vanjske trgovine i ekonomskih odnosa BiH, od kojih je tražio odgovor kada će postupiti po zahtjevu Odbora pivarske industrije BiH ili ga odbiti. Dušanka Majkić izjasnila se da je zadovoljna dobivenim odgovorom.

**Delegat Ivo Miro Jović** obnovio je drugi dio pitanja Tužilaštvu i Kantonalnom sudu u Mostaru

„Kako je moguće da su oni koji su osuđeni za ratne zločine nad Hrvatima civilima u Grabovici, Nihad Vlahovljak, Haris Rajkić i Sead Karagić, svi osuđeni na 13 godina zatvora presudom Županijskog suda u Mostaru i potvrđenom kaznom na Sudu BiH 18.9.2008., još uvijek na slobodi?“

**Delegat Rudo Vidović** postavio je sljedeća pitanja Vijeću ministara BiH:

Poznato je da Vijeće ministara BiH, u okviru svojih prava i dužnosti, ima potrebu usvajati i dokumente koji se zovu „Strategija razvoja“. Pa i u 2008.godini, prema Izvještaju o radu Vijeća ministara BiH za 2008., Vijeće ministara BiH usvojilo je sedam strategijskih dokumenata, dakle posao koji zahtijeva angažiranje kako određenog broja eksperata-stručnjaka tako i finansijska sredstva.

Tako je npr. Vijeće ministara BiH 2004. godine usvojilo Strategiju razvoja informacionog društva u BiH, dokument koji daje strateške smjernice i plan djelovanja za razvoj informacionog društva u BiH za period 2004.-2010.

Da bi navedena strategija zaživjela, bilo je potrebno zakonom utemeljiti Agenciju za praćenje razvoja informacionog društva u BiH koji nije prošao u Domu naroda Parlamentarne skupštine BiH iz poznatih razloga.

Pitanje za Vijeće ministara BiH glasi:

1. Koliko je do sada u Vijeću ministara BiH svih saziva usvojeno strategija razvoja i kojih?
2. Što Vijeće ministara BiH namjerava uraditi sa strategijama koje su usvojene, a nisu zakonski zaživjeli kroz utemeljenje agencije, te da li će one postati „mrtvo slovo na papiru“?

**Delegat Slobodan Šaraba** postavio je sljedeće pitanje Vijeću ministara BiH:

Kada će Vijeće ministara BiH riješiti imovinsko-pravne odnose u bivšoj trebinjskoj kasarni „Luka Vukalović“ i time stvoriti uslove da jedinica granične policije iz ovog grada dobije svoj prostor te prestane biti podstanar koji godišnje košta državu BiH 40.000 KM.

Obrazloženje:

S obzirom da je Vlada Republike Srpske dodijelila neperspektivnu nekretninu Graničnoj policiji BiH i da bi određenim finasijskim ulaganjima prostor zadovoljio potrebe trebinjske jedinice, smatram da je neophodno što prije riješiti imovinsko-pravne odnose.

**Delegat Hazim Rančić** postavio je sljedeće pitanje Vijeću ministara BiH:

„Koliko godišnje Bosna i Hercegovina izgubi novca zbog toga što ne kontrolira zračni saobraćaj iznad BiH?

Koliko je ukupno novca izgubila BiH od 1996. godine do 2009. godine zbog toga što ne kontrolira zračni saobraćaj iznad BiH?

Kada će BiH preuzeti kontrolu zračnog saobraćaja iznad BiH a što proizilazi iz suvereniteta BiH kao i člana 1. Konvencije o međunarodnom civilnom zrakoplovstvu?“

**Delegat Dušanka Majkić** postavila je sljedeće pitanje predsjedavajućem Vijeća ministara BiH:

U skladu s članom 73. stav (2) Zakona o odbrani BiH, uzimajući u obzir Sporazum o osnovnim principima za rješavanje pitanja nepokretne i pokretne imovine koja će i dalje služiti za potrebe odbrane, potpisanog 12.7.2007., i imajući u vidu Odluku Predsjedništva BiH o veličini, strukturi i lokacijama Oružanih snaga BiH br.01-011.0111-6/06, od 5.7.2006., zaključen je Sporazum o konačnom raspolaganju svim pravima i obavezama na pokretnoj imovini koja će i dalje služiti za potrebe odbrane. Sporazum su, 27.3.2008., potpisala dva entitetska premijera i predsjedavajući Vijeća ministara BiH.

U članu 3. stav (1) i (2) navedenog sporazuma stoji:

1. Arhiva, spisi i drugi dokumenti kao ostala pokretna imovina izuzeti su iz ovog sporazuma i njihov status bit će reguliran posebnim sporazumom;
2. Izuzetno od odredbi stava (1) ovog člana, strane u ovom sporazumu mogu ovin sporazumom ili njegovim aneksima regulirati status arhive, spisa i drugih dokumenata vezanih za pokretnu vojnu imovinu ili ostalu pokretnu imovinu, kako je definirano u članu 4. stav (2) i članu 9. stav (5).

U skladu s navedenim, molim predsjedavajućeg Vijeća ministara BiH da mi odgovori na sljedeća pitanja:

1. Kada će Vijeće ministara BiH sačiniti aneks navedenom Sporazumu kojim će se regulirati status arhive, spisa i drugih dokumenata vezanih za pokretnu vojnu imovinu ili ostalu pokretnu imovinu, kako je definirano u članu 4. stav (2) i članu 9. stav (5).
2. Kada će arhiva, spisi i drugi dokumenti bivših entitetskih vojski, vođeni u periodu od 4.4.1992. do 31.12.2005., biti predati entitetskim arhivama iz kojih potiču na čuvanje i korištenje, u skladu sa Zakonom o arhivskoj građi?

**Delegat Alma Čolo** postavila je sljedeće pitanje Predsjedništvu BiH:

„Kada Predsjedništvo BiH, koje je po članu V./3 c) Ustava BiH ovlašteno za predstavljanje BiH u međunarodnim i evropskim organizacijama i institucijama, ima namjeru da izvrši svoju obavezu i obavezu Bosne i Hercegovine i imenuje predstavnike Bosne i Hercegovine u savjetodavna tijela za monitoring Vijeća Evrope, i to u:

- Evropski komitet za sprečavanje torture (CPT), Venecijansku komisiju i
- Evropsku komisiju protiv rasne netolerancije.“

### **Ad.3. Prijedlog amandmana I. na Ustav BiH (drugo čitanje), predlagač: Vijeće ministara BiH**

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Božo Rajić, Slobodan Šaraba, Zoran Koprivica, Sulejman Tihić, Branko Zrno, Hazim Rančić, Rudo Vidović i Ivo Miro Jović.

Dom naroda, s jednim glasom „za“, 12 glasova „protiv“ i dva „suzdržana“ glasa, nije usvojio Prijedlog amandmana delegata Slobodana Šarabe.

Dom naroda je, sa 14 glasova „za“ i jednim „suzdržanim“ glasom, usvojio Amandman I. na Ustav BiH, u identičnom tekstu kao i Predstavnički dom.

### **Ad.4. Prijedlog odluke o pristupanju izmjenama Ustava BiH, predlagač: Kolegij Doma naroda PSBiH**

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Sulejman Tihić, Dušanka Majkić, Mladen Ivanić, Slobodan Šaraba, Alma Čolo, Zoran Koprivica, Ivo Miro Jović, Božo Rajić, Drago Ljubičić, Branko Zrno, Rudo Vidović i Hilmo Neimarlija.

Dom naroda je, s devet glasova „za“, četiri glasa „protiv“ i dva „suzdržana“ glasa, usvojio Odluku o pristupanju izmjenama Ustava BiH.

### **Ad.5. Izvještaj komisije Kolegija o nastojanju za postizanje saglasnosti o Prijedlogu zakona o besplatnoj pravnoj pomoći (Prijedlog zakona je u prvom čitanju)**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

S obzirom da u prvom krugu glasanja nije bilo entitetske većine, obavljeno je usaglašavanje u Kolegiju Doma kao komisiji (nije bilo saglasnosti), nakon čega je u drugom krugu glasanja više od dvije trećine delegata iz jednog entiteta glasalo „protiv“, čime je Prijedlog zakona **pao**.

### **Ad.6. Izvještaj komisije Kolegija o nastojanju za postizanje saglasnosti o imenovanju predsjedavajućeg, zamjenika i članova Nezavisnog odbora i Odbora za žalbe građana, kao nezavisnih tijela policijske strukture BiH (Prijedlog Ad hoc zajedničke komisije za provođenje procedure imenovanja Nezavisnog odbora i Odbora za žalbe građana)**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

S obzirom da su u drugom krugu glasanja više od dvije trećine delegata iz jednog entiteta glasali „protiv“, Dom naroda **nije usvojio** kandidatsku listu za imenovanje predsjedavajućeg, zamjenika i članova Nezavisnog odbora i Odbora za žalbe građana, kao nezavisnih tijela policijske strukture BiH (Prijedlog Ad hoc zajedničke komisije za provođenje procedure imenovanja Nezavisnog odbora i Odbora za žalbe građana).

### **Ad.7. Prijedlog zakona o izmjenama i dopunama Zakona o proizvodnji naoružanja i vojne opreme (drugo čitanje), predlagač: Vijeće ministara BiH**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je usvojio Zakon o izmjenama i dopunama Zakona o proizvodnji naoružanja i vojne opreme u identičnom tekstu kao i Predstavnički dom.

**Ad. 8. Prijedlog zakona o kontroli kretanja oružja i vojne opreme (prvo čitanje), predlagač: Vijeće ministara BiH**

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Slobodan Šaraba, Dušanka Majkić, Branko Zrno, Zoran Koprivica i Hazim Rančić.

Prijedlog zakona o kontroli kretanja oružja i vojne opreme, s deset glasova „za“ i četiri glasa „protiv“ iz Republike Srpske, nije dobio entitetsku većinu pa slijedi usaglašavanje u Kolegiju kao komisiji.

**Ad. 9. Prijedlog zakona o izmjenama i dopunama Zakona o državljanstvu BiH (prvo čitanje), predlagač: Vijeće ministara BiH**

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali su: Drago Ljubičić, Ivo Miro Jović, Hazim Rančić, Ilija Filipović, Zoran Koprivica i ministar civilnih poslova BiH Sredoje Nović.

Dom naroda jednoglasno je usvojio u prvom čitanju Prijedlog zakona o izmjenama i dopunama Zakona o državljanstvu BiH.

**Ad. 10. Izjašnjavanje Doma o Inicijativi delegata Bože Rajića i Rude Vidovića za formiranje radne grupe za izradu teksta novog ustava BiH**

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Božo Rajić, Rudo Vidović, Slobodan Šaraba, Hilmo Neimarlija, Mladen Ivanić i Alma Čolo.

Dom naroda, s dva glasa „za“, pet glasova „protiv“ i sedam „suzdržanih“ glasova, **nije usvojio** Inicijativu delegata Bože Rajića i Rude Vidovića za formiranje radne grupe za izradu teksta novog Ustava BiH.

**Ad. 11. Prijedlog usaglašenih zbirnih i pojedinačnih zaključaka Komisije za finansije i budžet Predstavničkog doma i Komisije za finansije i budžet Doma naroda Parlamentarne skupštine BiH o razmatranim revizorskim izvještajima Ureda za reviziju institucija BiH za 2007. godinu**

Predsjedavajući Doma naroda otvorio je raspravu o ovoj tački dnevnog reda. U raspravi je učestvovala Dušanka Majkić.

Dom naroda jednoglasno je usvojio usaglašene zbirne i pojedinačne zaključke Komisije za finansije i budžet Predstavničkog doma i Komisije za finansije i budžet Doma naroda Parlamentarne skupštine BiH o razmatranim revizorskim izvještajima Ureda za reviziju institucija BiH za 2007. godinu.

**Ad. 12. Izvještaj o Konačnom izvještaju o provođenju mjera iz Akcionog plana Srednjoročne razvojne strategije BiH 2004.-2007. godine (PRSP) i Ekonomski trendovi, Godišnji izvještaj za 2007. godinu Direkcije za ekonomsko planiranje BiH**

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Dušanka Majkić, Drago Ljubičić, Ilija Filipović, Adem Ibrahimpašić, Rudo Vidović, Mladen Ivanić i Zoran Koprivica.

Dom naroda jednoglasno je primio k znanju Izvještaj o Konačnom izvještaju o provođenju mjera iz Akcionog plana Srednjoročne razvojne strategije BiH 2004.-2007. godine (PRSP) i Ekonomski trendovi, godišnji izvještaj za 2007. godinu Direkcije za ekonomsko planiranje BiH sa sljedećim zaključcima:

1. Traži se od Direkcije za ekonomsko planiranje BiH da ubuduće poštuje dvodomnu strukturu Parlamentarne skupštine BiH i da izvještaje dostavlja u oba doma Parlamentarne skupštine BiH.
2. Traži se od Direkcije za evropske integracije BiH da Parlamentarnoj skupštini BiH dostavi informaciju o načinu korištenja pretpripravnih fondova.

**Ad. 13. Izvještaj o realizaciji Akcionog plana za provođenje programa mjera u okviru CEFTA sporazuma, s Analizom vanjskotrgovinske razmjene BiH za 2008. godinu**

Predsjedavajući Doma naroda otvorio je raspravu o ovoj tački dnevnog reda. U raspravi je učestvovao Adem Ibrahimpašić.

Dom naroda jednoglasno je primio k znanju Izvještaj o realizaciji Akcionog plana za provođenje programa mjera u okviru CEFTA-e, s Analizom vanjskotrgovinske razmjene BiH za 2008. godinu.

**Ad. 14. Izvještaj o napretku Bosne i Hercegovine u 2008. godini kao i Strategija proširenja i ključnih izazova 2008./2009.(materijal Direkcije za evropske integracije BiH)**

Predsjedavajući Doma naroda otvorio je raspravu o ovoj tački dnevnog reda. U raspravi je učestvovao Mladen Ivanić.

Dom naroda jednoglasno je usvojio zaključak koji je sastavni dio Mišljenja Zajedničke komisije za evropske integracije, a koji glasi:

„Poziva se Zajednički kolegij oba doma Parlamentarne skupštine BiH da, u roku od 30 dana, zakaže zajedničku tematsku sjednicu oba doma Parlamentarne skupštine BiH na kojoj će predsjedavajući Vijeća ministara BiH podnijeti izvještaj o ispunjavanju obaveza iz Sporazuma o stabilizaciji i pridruživanju i provođenju prioriteta iz Evropskog partnerstva sa BiH“

**Ad. 15. Izvještaj o aktivnostima Stalne delegacije Parlamentarne skupštine BiH pri Parlamentarnoj skupštini Vijeća Evrope u 2008. godini**

Predsjedavajući Doma naroda otvorio je raspravu o ovoj tački dnevnog reda. U raspravi je učestvovao Mladen Ivanić.

Dom naroda jednoglasno je usvojio Izvještaj o aktivnostima stalne delegacije Parlamentarne skupštine BiH pri Parlamentarnoj skupštini Vijeća Evrope u 2008. godini.

**Ad. 16. Prijedlog Državne strategije za nadzor nad opojnim drogama, sprečavanje i suzbijanje zloupotrebe opojnih droga u Bosni i Hercegovini za period 2009.-2013., predlagač: Vijeće ministara BiH**

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Hazim Rančić, Dušanka Majkić, Branko Zrno i Mladen Ivanić.

Dom naroda jednoglasno je usvojio Prijedlog državne strategije za nadzor nad opojnim drogama, sprečavanje i suzbijanje zloupotrebe opojnih droga u Bosni i Hercegovini za period 2009.-2013, sa sljedećim zaključkom:

„Obavezuje se Vijeće ministara BiH da u roku od 60 dana donese Akcioni plan vezan za Državnu strategiju za nadzor nad opojnim drogama, sprečavanje i suzbijanje zloupotrebe opojnih droga u Bosni i Hercegovini za period 2009.-2013“.

**Ad. 17. Informacija o krivičnim djelima protiv dostojanstva ličnosti i morala u BiH, s naglaskom na krivična djela krijumčarenja i trgovine ljudima u 2006. i 2007. godini i prvih devet mjeseci 2008. godine**

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali Dušanka Majkić i Hazim Rančić.

Dom naroda jednoglasno je primio k znanju Informaciju o krivičnim djelima protiv dostojanstva ličnosti i morala u BiH, s naglaskom na krivična djela krijumčarenja i trgovine ljudima u 2006. i 2007. godini i prvih devet mjeseci 2008. godine.

Zaključak koji je predložila delegat Dušanka Majkić, zbog nepostojanja entitetske većine, ide na usaglašavanje u Kolegij Doma kao komisiji.

**Ad. 18. Prijedlog odluke o izmjeni Odluke o izboru članova zajedničkih komisija oba doma Parlamentarne skupštine BiH**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je za člana Zajedničke komisije za ekonomske reforme i razvoj, umjesto Drage Ljubičića, imenovao Zorana Koprivicu.

**Ad. 19. Imenovanje dva člana Ureda za razmatranje žalbe iz reda stručnjaka upravnog prava, predlagač: Vijeće ministara BiH**

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je, na prijedlog Vijeća ministara BiH, za članove Ureda za razmatranje žalbi iz reda stručnjaka upravnog prava imenovao Stipu Petričevića iz hrvatskog naroda i Ostoju Kremenovića iz srpskog naroda

**Ad. 20. -29. Davanje saglasnosti za ratifikaciju**

Predsjedavajući Doma naroda otvorio je raspravu o ovim tačkama dnevnog reda. Nije bilo delegata prijavljenih za raspravu.

Dom naroda jednoglasno je dao saglasnost za ratifikaciju:

- Sporazuma o vojnom grantu između Vijeća ministara BiH i Vlade Republike Turske;
- Bilateralnog sporazuma u oblasti obrazovanja između Vijeća ministara BiH i Vlade Crne Gore;
- Sporazuma o preferencijalnoj trgovini između Bosne i Hercegovine i Islamske Republike Iran;
- Memoranduma o razumijevanju o budućnosti zdravstvene mreže u Jugoistočnoj Evropi u okviru Procesu regionalne saradnje u Jugoistočnoj Evropi;
- Sporazuma o grantu globalnog fonda za okoliš između Bosne i Hercegovine i Međunarodne banke za obnovu i razvoj, kao Agencije za realizaciju sredstava Globalnog fonda za okoliš - Projekat šumskih i planinskih područja;
- Sporazuma između Vijeća ministara BiH i Vlade Republike Albanije o međunarodnom drumskom prijevozu putnika i tereta;
- Deklaracije o dugoročnom programu regionalne saradnje i razvoja mentalnog zdravlja u zemljama Jugoistočne Evrope
- Sporazuma o finansiranju između Bosne i Hercegovine i Komisije Evropske zajednice o programu finansiranja učešća Bosne i Hercegovine i ERDF Evropskom programu



međunarodne teritorijalne saradnje „Prostor jugoistočne Evrope“ na osnovu instrumenata za pretpristupnu pomoć (IPA), komponenta prekogranične saradnje za 2007. godinu;

- Sporazuma o privrednoj saradnji između Vijeća ministara BiH i Vlade Republike Slovenije;
- Ugovora o finasiranju između Bosne i Hercegovine i Evropske banke za Projekat Koridor Vc – prva faza – Sjever.

Sjednica je završena u 17 sati.

Sastavni dio ovog zapisnika je neautorizirani transkript 27. sjednice Doma naroda.

**SEKRETAR**  
**DOMA NARODA**  
Marin Vukoja

**PREDSJEDAVAJUĆI**  
**DOMA NARODA**  
Ilija Filipović, dipl.iur.